

En conexion cu Dia Mundial di Conservacion:

Fundacion Parke Nacional Aruba a honra Olinda Rasmijn



ORANJESTAD (AAN) – Den entrevista cu Matutino DIARIO, Carl Quandt, PR & Communication Manager di Fundacion Parke Na-

cional Aruba, a splica tocante un evento cu a tuma lugar na Parke Arikok, en conexion cu Dia Mundial di Conservacion, cu tabata

Diamars 28 di Juli y cu nan ta celebrando durante un siman. Quandt a expresa cu e mi-hor manera di haci esaki ta

honrando personanan clave cu tin un rol hopi grandi y importante pa conserva Aruba su naturaleza. Den e evento aki nan a honra Olinda Rasmijn, kende a bringa hopi aña pa conservacion di naturaleza y pa e palo di wayaca den Parke Arikok, tempo cu e fundacion a ricibi fondonan di Nacionnan Uni pa traha e complex di PNA y su ofcinanan. E ora ey mester a hala e complex 24 meter pa por scapa e palo di Wayaca, Quandt a relata. E siman aki ta full di concientizacion pero solamente digital, cu speranza cu pa otro aña lo por organiza

actividadnan mas elabora, teniendo cuenta cu e distancia fisico cu ta hopi grandi e aña aki. Ademá, Quandt a indica, PNA tin mas area bao di su maneho cu nan tin cu duna mas informacion al respecto, y cu ta un proceso cu a cuminsa na 2017 cu e 16 areanan proteha. Fundacion PNA a haya encargo tambe di Spans Lagoen y Bringamosa, y siman pasa a agrega 13 area di cual lo por mira mas informacion via su Facebook Page, pa trece mas concientizacion den comunidad. E areanan aki lo wordo maneha conjuntamente cu D.O.W.

Clientenan di CIBC Bank no ta compronde pakico no por swipe na MFA



ORANJESTAD (AAN): Algun cliente di CIBC Bank na Aruba, ta disgusta cu nan no por haci uso di e debit-card di nan banco ora di bay paga pa servicio di DIMP na diferente MFA na Aruba.

Clientenan a acudi na MFA pa asina paga pa nan Nummerplaat. Ta conoci cu DIMP awor na MFA ta acepta solamente pago via carchi, y no ta acepta placa cash mas.

Pero pa sorpresa di algun cliente, e cashier no ta acepta e Debit Card di CIBC Bank. E carchinan aki ta un Debit Card cu Visa Debit.

E cliente aki ta usa e Debit Card aki sin problema na centenares di comerciante cu nan POS-

Machine.

Pero awor clientenan a bin descubri cu lamentablemente e cashiernan di DIMP na diferente MFA no ta acepta e Debit Card local aki.

Un cashier a hasta bisa, cu kizas tin di bay puntra e Directora di DIMP, pakico nan no por acepta e Debit Card aki cu ta linked cu Visa Debit pa paga belasting.

A nota cu e POS Machine na MFA ta pertenece na Aruba Bank, y e clientenan a mustra cu rond di Aruba nan ta usa nan CIBC Bank Debit Card aki sin problema cu e machinenan di Aruba Bank. Nan no ta compronde di con na MFA no por haci uso di nan.

ORA
Pro r
na Pi
emy,
much
nan t
uito y
E car
nado
tecn
Pa ot
ta ins
ta wo